

Sakmie aple kūli

Senē senē Lietovuos pašalie bova tuoks suodžios. Tēn gīvena dēdlē duorē žmuonis. Anēi tēik gerā sorokava, ka ē pats biesos anīms tuo sotarēma pavīdiejē. Jego kaimē kas kielē pariedka, toukart vèsē linksmēnuos. Vo je bova bodīnē, vèsē nabaštēka i kapelius līdiejē. Ē nauduojies vèsā suoda vēina šolēnē. Soēs vondēns pasēsēmtē – ē aple vargus, ē aple linksmomus pasērokous. Nikumet nasēpīka, nabaries, vēins kētām prasta nalinkiejē. Tiktā geromo, tiktā pagalba atsēdiekavuojē.

Ē apsēgīvena šalēp biesos. Ons somēslējē tus žmuogelius sokēršintē. Pajiemē ē vēina nakti ont tuos šolēnēs ē ožrētēna dēdliausi kūli. Atēn rītmetie senas buobelēs, veiz – velnēšks kūlis ontrētints ont tuos šolēnēs. Atēn jaunas muotrēškelēs so vākūtelēs – nagal vondēns pasēsēmtē. Ašaruo vèsē, bet vēins kēta nakaltēn, nabaras. Tiktā vèsē dejou. Ē ēšgērda tas aimanas deivē Vandēnē. Ana pamēslējē: aš tuo velnēška kūlē naparētinsio, geriau tapraded iš pu anuo tekietē šaltēnis. Tiktā tēp pamēslējē, tēp ē atsētēka.

Ē dabā tabie tas velnēšks kūlis. Vadēnas ons „Aukora kūlis“. Ē iš pu anuo tabtek dēdlē skaidros šaltēnis. Tabie ē tas suodžiuos. Vadēnas ons „Senuojē Impēltēs“, i katrou ē kvēitam atvažioutē.